



**Quæstionum Canonicarum, In Quinque Libros  
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

**Schlüter, Georg**

**Augustæ Vindelicorum, 1708**

§. 1. De diversis Speciebus Advocatiæ.

---

[urn:nbn:de:hbz:466:1-73045](#)

am invadentium ejus jura. Neuter tam  
men habet jus administrationis vel juris-  
dictionis, titulo Patronatus, vel Ad-  
vocatæ.

## ARTICULUS VI.

*Quid sit Jus Advocatæ?*

3117 **L**equimur hinc de jure Advocatæ, pro-  
ut condistincto à Jure Patronatus, ut  
monuimus n. 3055. nam sicut *Jus Patro-  
natus*, prout separatum à jure Advocatæ,  
dicitur per Ordinem ad suum actum præ-  
cipuum (qui est Ordinatio *presentare Cle-  
ricum idoneum in beneficio vacante in-  
stituendum*) jus præsentandi; ita *Jus Ad-  
vocatæ* dicitur etiam ad suum actum præ-  
cipuum, *jus defendendi Ecclesiam*, contra  
violentas oppressiones, curando simul,  
ne bona Ecclesiae dissipentur, prodigan-  
tur, vel alienentur; ab eo enim *Advoca-  
ti* vocantur *Guardiani*, *Cubodes*, & *De-  
fensores Ecclesiarum*. Quamvis autem in  
toto corpore iuri nulla reperiatur defi-  
nitio *Juris Advocatæ*, prout explicat jus  
distinctum à jure proprio Patroni (ut ob-  
servat Martinus Magerus de Schönberg,  
de Advocatia armata c. 5. à n. 5.) ex dictis  
tamen n. 3055. constat, esse iura distin-  
cta, & subjecto separabili. *Advocatiam*  
porrò, *sumptam in genere*, Magerus cit.  
n. 22. docet, esse *jus suscep[t]os in clien-  
telam, eorumque bona, contra vim, &  
injuriam, tam juris, quam facti, defenden-  
di, sub anno plerumque honorario, vel ju-  
re constitutum, vel conventione, aliisve  
modis introductum.*

3118 Ex hoc colliges 1. illud jus *honorari-  
um* non esse de substantia juris clientela-  
ris, seu *Juris Advocatæ*; cum simpliciter  
abesse possit, eo stante: 2. si non  
unicum, certè pricipuum Advocatæ  
actum, seu munus & finem esse, clien-  
tes suos, & eorum bona defendere, &  
protegere contra vim, & injuriam; Sic  
Magerus cit. n. 53. Cum autem dicitur,  
*Advocati esse*, suos defendere contra  
vim juris & facti, hoc non intelligitur de  
vi, quam infert Magistratus. Nam, vim  
à Magistratu illatam, propulsare, le-  
gibus prohibitum est, si careat injuria.  
Colliges 3. *Advocato Ecclesiæ*, qui non  
est simul *Patronus*, non competere *jus*  
præsentandi ad Ecclesiam vacantem, cu-  
jus est *Advocatus*; cum præsentare sit

actus proprius alterius juris; & *Patrono*  
(qui non est simul *Advocatus*) non com-  
petere illud jus Ecclesiam defendendi, quo  
definitur jus *Advocatæ*.

Beckmannus in jure Statutario Sty-  
ria V. *Advocatæ*, hanc vocat *jurisdictionem  
nem civilem*, *Vogteuticam circa Ecclesiam*,  
*eiusque bona recte observanda*, subditos  
bene gubernandos, & defendendos con-  
tra aliorum invasiones, injurias, & vio-  
lentiam. Deinde V. *Vogteia* dicit, jus  
*Vogteuticum*, seu *Advocatæ* suam origi-  
nem sumpsiisse ab eo, quod tam Ecclesi-  
stici, quam Laici Domini terrestres, tem-  
pore belli, vel aliarum difficultatum,  
subditos suos aliis potentioribus in pro-  
tectionem, vel perpetuo, vel ad tempus,  
reservatâ sibi jurisdictione territoriali (vul-  
go *Grund Obrigkeit*) liberè subjecerint.  
Advocatiam temporalem vocat *parciam*  
(*Bett Vogtey*) & dicit esse ad libitum  
clientis revocabilem: aliam *hereditariam*,  
qua perpetua est, & ad heredes transit, &  
vocari solet clientelare jus. Illa communiter  
facta est, ob varias bellum calamitates; ista  
vero, nata est, cum Dominus fundi, seu  
terrestris suos subditos in perpetuum,  
protectionis gratiâ, liberè subjecit, vel  
fundando Ecclesiam, ei aliquos subditos  
assignavit, reservatâ sibi tamen jurisdictione  
in illos. Hoc postremum non ha-  
bet locum, nisi hæc reservatio facta sit  
cum consensu Superioris Ecclesiastici, ut  
constat ex dictis; Sed, qua circa istam  
Beckmanni doctrinam ex vero tenenda  
sint quoad Ecclesiarum *Advocatos*, di-  
cemus à n. 3137.

## §. I.

*De diversis Speciebus Advocatæ.*

MUltiplices Advocatæ species enu-3119  
merat Magerus cit. c. 4. à n. 2. Sed  
omissis pluribus, quarum notitia hic ne-  
cessaria non est, not. 1. ratione cause ef-  
ficientis aliam esse *legalem*, quam *Advo-  
catus* habet ab ipsa lege, vel Canone; qua-  
lis est illa, qua competit ei ex causa fun-  
dationis, extirpationis, vel dotacionis Ec-  
clesiæ, ut dictum est; aliam *Conventio-  
nalem*, qua partium libero, mutuoque  
consensu constituitur. 2. Aliam esse  
*mandatam* seu *delegatam*, quam quis exer-  
cer alieno nomine, & mandato; aliam,  
*non mandatam*, sed *propriam*, quam quis exer-

exercet iure, ac nomine suo. 3. Aliam *simplicem*, aliam *administratoriam*, seu cum administratione conjunctam. Illa est, quæ, præter nudam protegendi obligationem & acceptiōnem honorarii, nullam administrationem, vel ejus inspectionem habet, & dicitur Vogtey, vel *blossé Schutz Gesetz* rechtigkeit: ista verò, quæ secus: Aliqui etiam dicunt *simplicem*, quæ caret jurisdictione, quæ vero habet, eam vocant *jurisdictionalem*, quæ scilicet habet criminalem, aut civilem, vel utramque jurisdictionem adjunctam. Utrum autem Advocatia *administratoria* (Rasten Vogten) hodierno tempore maiorem potestatem habeat, vel jure exercere possit, quam simplex, dicemus in seqq.

3120 Præter hæc, Vogteiam aliqui dicunt, esse unam *superiorem*, alteram *inferiorem*, illam dicunt esse quoddam Regale supremi Principis, istam vero competere etiam minoribus Dominiis; aliam *personalem*, quæ cum persona illam habente extinguitur, aliam *hereditariam*, quæ transit ad hæredes. Deinde, Advocatia ratione Clientum in protectionem susceptorum, dicunt aliam esse *Ecclesiasticam*, aliam, *secularem*. Illa est, quando Clientes in protectionem suscepiti sunt Clerici, vel Regulares, sive Protector sit secularis, sive regularis; quando autem Clientes sunt Laici, esto Protector sit Ecclesiasticus, Advocatia est *secularis*.

Cum autem fieri possit, quod quis in alterius protectione sit cum omnibus, & universis bonis, atque subditis suis, Advocatia erit *generalis*, seu universalis; si autem solum cum aliquibus, non omnibus, erit *particularis*; not. autem, quod, quando protectio præstata suscipitur, quin Protectori ulla merces, vel annum honorarium constitutum sit, Advocatia dicatur *gratuita*; si vero secus, vocetur *mercenaria*. Hodie rarissima sunt Advocatiae *gratuita*, quæ scilicet sine spe lucri temporalis suscipiuntur. Earum tamen exempla quædam refert Magerus *cit. c. 3. n. 249.*

3121 Quoniam autem Advocatia alia est *cum incolatu*, quando quis non tantum Clientæ aliquius se subjicit, sed etiam domicilium, laremque in Protectoris ditioinem transfert, & sub illo habitat; si vero careat hoc secundo, est Advocatia *sine in-*

*colatu*; ideo inter hos Clientes discriben-  
tis, quod *Clientes cum incolatu* sint *subditi*  
Advocati, seu Protectoris sui; non au-  
tem *Clientes sine incolatu*. Quia ratione do-  
miciли fortuit quis forum, ut diximus in  
2. decretal. non autem ratione Clientela; alia etiam male divideretur in clientelam  
*simplicem*, de qua diximus n. 3119.

### §. 2.

*Quem effectum in Clientibus habeat Jus  
Advocatia.*

3122 Non immorabimur explicando fini, & officio Advocati, seu Protectoris, sed potissimum ea dicemus, per quæ conser-  
tetur, quid juris competit Advocatis, præ-  
fertim Ecclesiistarum, quos Ecclesiasticos vo-  
cari constat ex n. 3120. *Finis* tamen Advo-  
cati, & officium diversa sunt. Nam hoc ad media pertinet, quibus finem conse-  
quimur; finis verò in absolutione operis  
consistit. Hinc Advocati officium est, Clien-  
tes suos defendere, ac protegere; *finis* au-  
tem, eosdem incolumes, atque indemnes  
conservare. *Not.* autem, quod quidam  
Laici Jus Advocatæ, tum relate ad ipsos  
Advocatos, corumque potestatem; tum  
ad Clientes, corumque subjectionem, &  
obligationem reciprocam, exorbitanter,  
etiam *refusum Ecclesiistarum*, ac *bonorum Ecclesiastorum*, nimium quantum exten-  
dant. Inter hos est Beckmannus, qui scri-  
bens de Jure Statutario Styriae, V. *Advo-  
catia*, & V. *Vogteia* docet, *Advocato, etiam Ecclesiistarum* cōpetere seqq. nimium Jus,  
a subditis suis Advocatæ regulariter exi-  
gendi, juxta consuetudines Provinciæ,  
onera, seu servitia Vogteutica 1. certas  
robotas, 2. censum, seu Steuras (*die Land, Steur*) nisi Dominus territorii  
hoc secundum antiquitus reservarit, & in  
spistica possessione retinuerit. 3. quod in  
quibusdam locis habeat ex consuetudine  
recepta Jus *nundinarum* (*Kirch, Tag Schutz*) und *Kirch, Weyh Schutz* &  
dædicationis Ecclesia in eo situm, quod  
punire possit delicta iis diebus commissa,  
qua non spectant ad judicium criminale.

Quarto, jus obsignandi, & inven-  
tandi bona Parochorum defunctorum;  
sic, ut ex speciali mandato generali Prin-  
cipis cavere possint, imò debeant Advo-  
cati, ne bona illorum relata suppriman-  
tur, distrahantr; sed creditoribus liqui-  
da de-

Xxx 3 da de-